



21654

Mag. St. Dr. P

chorus

Societate Vilnae Societatis Annuntiatas
Virginis. Cor leonis signum coeli sub
quo gloriatur d. d. Christoph. Sapieha
17 Aug. mortuus.

PANEG. et VITAE

Polon. Fol.

AE 1169.



LIBRARY OF THE
UNIVERSITY OF CHICAGO
1892

LIBRARY OF THE
UNIVERSITY OF CHICAGO
1892

21.654 VII
LIBRARY OF THE
UNIVERSITY OF CHICAGO
1892



AD ILLVSTRISSIMVM DOMINVM
D. LEONEM
SAPIEHA
PALATINVM VIL-
NENSEM
M. D. L. exercituum supremum Ducē.
Capit. Mohilou. &c. &c.



Ixit Christophorus Nicolaus SAPIEHA
Filius tuus Ill^{me} Dñe; in quo Sodalitas
nostra Parthenica exemplum, Respub-
lica spem proximam, COR amisisti LEO
Pater. Quis dolori tuo legem dicet,
quē iura adiuuant? Quippe filium ^aPER-
SONAM, ^bVOCEM, & ^cCORPVS
Patris iura dicunt. Filium amisisti, quem
in personam, vocem, & vultum tuum natura & virtus
finxerat; vt si in aliis frustra, in hoc filio rectē Euripides di-
ceret, ^dANIMVS Patris. Animus ergo tibi ereptus est,
COR Paternæ mentis, & affectus sedem amisisti. Sed tan-
to æquius doleas, quod dolorem tuum cum Republica di-
uisti, cui æquē ac tibi filius tuus, COR fuit.

Qui animi bonis, & Sapientiā cæteros mortales præstitere,
^eCORDA apud Romanos appellati. Quæ bona animi in
Filio tuo Patria non suspexit? quam in illa ætate, insoli-
tam Sapientiæ ac rationis vim, non amauit? quas voces o-
bitus eius, Magnis (utriusq; gentis, vnius Reip) Patribus
non extorsit? Regni Senator erat, qui ad primum de eius
morte nuntium exclamuit, Potuimus in præmaturam ac
felicem eius indolem intuentes illud effari

Ostendent hunc terris fata, nec ultra

Esse sinent.

Ita in eo, motum illum animi celerem, fortem & acutam
prudentiam, priuati laudabant, Tribunalia sequebantur,
quibus illud inprimis quærebat, vt animos in sentiendo di-
uersos sociaret, vt seclusis in decernendo PARTIBVS,
& audis

^a L. Cum scimus
in fin: c. De A-
gric: & cens:
L. 11.

^b Paragr: Et vo-
ro de inutil: sti-
pul:

^c L. Fin. de impub:
& alijs substit.

^d Apud. Cal. l. 11.
ant: lect, c 17

^e Plin: l. 2 c. 31.

& audis consiliis, unus incorrupti iudicii vultus maneret; ut se potestas nocendi cohiberet: dispicerent omnes decreta, tardeq; & iuste id concederent, quod datum non adimeretur. Ita sæpè ab illius pondere totum tribunal librabatur, ubi sententiarum in æquum & bonum conspiratione, è priuatorum ingeniis, Remp: faciebat. Tempestivus ergo fuit quem Princeps præcipuis honoribus amaret, cuius optimis in Remp. studiis mirè congruebat.

Cic: in Tuscu. n. 13

Multa (ut solet) affectus Popularium, iis qui in Repub. emerent nomina indidit; in quibus Scipionem Nasicam, ob confessam civitati Sapientiam, COR CVLVM, Richardum Angliæ Principem, COR LEONIS, ob animi magnitudinem, appellavit. Vtramq; Scipionis ac Richardi laudem, qui eriperet, fuit Christ. Nicol: SAPIEHA, Filius tuus illi Dñe: qui ob sapientiam, & excelsum bello animum, COR LEONIS, id est TVVM, audiret. Animus belli ingens, luxur & quietis contemptor, quæsito diu prælio, cum se tempus dabat, à te frustra habitus, qui præferuidos ac viriles spiritus, senili prudentiâ temperabas, Leonis ritu, neglecto cultu, intecto capite, in agmine, in laboribus frequens adesse, nihil nisi sponte Patris incipere, laudem strenuis, solatium inualidis, exemplum omnibus, ostendere nitebatur. Id enim usu salubre, & autoritate melius, ex magnis, æui nostri Imperatoribus, didicerat. Castrorum verò, acierumq; artem inprimis tenebat, sed eruditas belli cogitationes, intra animum cōtinuit, dissimulato rei militaris intellectu, ex aliorum consiliis pendebat: si quid in publicum consulebatur, in tempore se facturum respondebat, ubi ver ætatis adoleuisset. Nimirum in Rep: sermonum audia, actionum, consiliorumq; naturam, ex virtutis gustu explorabat. Non supercilium erexit, non se æstimavit, non extulit; nunquam TE PATREM ulli minatus est: nemo potentiam eius, omnes humanitatem sentire. Tacito itaq; virtutum passu, in gloriam ibat, ut famam moraretur; sæpè vel ipsis castris, in faciem pacis vivebat, ubi tametsi omnia in eum studia prompta erant, nunquam famæ serviivit, quæ in novis captis, validissima est; videbaturq; locus ad spem Reip. implendam patefactus; cum in magnarum cogitationum impetu, morte substitit, admodum inuenis, & fortunæ, in quam alebatur capax: quem tibi in subsidium Imperii militaris, paraveras PATER.

Dignum erat COR LEONE Patre, ingentis animi, & constantis inter angustias mortis retinens; dignum cui hæ lacrymæ parentarent. Quid enim aliud generosus LEONIS oculus, quam COR fletet, cum quo in vita rectè consenserat? Id nimirū, vetus illa Academia docuit, a COR cum OCVLIS consentire. b Est piis affectibus quædam etiam flendi voluptas, per quam evaporat dolor; c est

quæ

^a Cic. l. 2 Acad.

Quest: n. 22

^b Amb: fun: Valen.

^c Sen. ad Mart:

quædam & dolendi modestia, a lacrymæ quippè indices a *Amb. fun. frat.*
pietatis non illices sunt. Permite tibi Illū Dñe vt ho- *Jul. Capit. in Pio.*
mo sis, neq; enim hæc, quam portas Persona, aut Imperi-
rium, aut doctrina, tollunt affectus.

Habuiſti Filium, hoc in maximis bonis pone, quod Reip:
ſpem, quod cæleſti patriæ ciuem dedisti: vtendum tibi
illo, non fruendum fuit; commodatum habuiſti, reddend-
us erat cum natura poſceret, quæ in eo, non tuam, & no-
ſtram ſatietatem ſecuta eſt, ſed legem ſuam, nec abiſſe
putes, quem præmiſiſti. Sna te vitæ ille fulciri cuperet,
ceſſit ſuis, vt de eius annis Pater viueres.

Tu verò PATER (inquit) viue, & ſi tam obſequens es, vt hoc
precari filio permittas, de meo, viue; ſi breuior voto tuo vi-
xi, boni conſule. Volo interim ſolatia tua tibi oſtendere; reſ-
pice Fratres meos, quibus ſaluis, fas tibi non eſt, accuſare
mortem meam; in vtroq; habes, vnde vtriuſq; virtute de-
lecteris; fructu alterius Filij dignitate, alterius obſequio,
vtriuſq; pietate. Noui Fratrum meorum intimos affectus;
alter dignitate ſua ad ornamentum Patris vtitur, alter ſe
ipſo, vt Reip & tibi vacet. Bene vtrumq;, in auxilium, &
oblectamentum tuum, ſtudia ſua, ac Reip, officia diſpoſu-
erunt, vt alter latus tuum domi, alter nomen colat. Certa-
bunt in te officiis, & vnus deſiderium, duorum pietate
ſupplebitur, vt nihil de me deſideres præter numerum.

A deſiderio mei te vindica, ne plus apud te vnus dolor,
quam totius Patriæ ſolatia poſſe videantur, in hac vna, ti-
bi ſatis præſidii, ſatis ſolatii eſt. Legem ſtatue animo:

Neminem flebo latum.

Indue Parentum Optime, diſſimilem animo tuo vultum,
eum te domi præſta, qualem militia Magnum Ducem ag-
nouit; cum rebus affectis, hilaritatem de industria accipi-
ebas, aduerſas res, adumbratâ lætitiâ abſcondebas, nullus
fractam ſui Ducis mentem vnquam adſpexit; cum ſe Leo-
ne Duce, exercitus militare meminifſet. Circumſtat te
iſta conſolantium corona, proijce ex toto dolorem, ne
pius in te dolor, quam hoſtis poſſit. Si COR LEONI *Plin. l. 11. c. 37*
Patri Filius viuus fui, COR affectus ſedem morte depo-
ſuiſti, affectum depone.



Non esse deplorandum illum, qui in
mente Reipublicæ, ac moribus suis
viuit.

FRustra iacentem flebimus indolem,
Jam se **BEATIS** addidit hospitem
SAPIENTIAM, maturumq; dulci
Præripuit senium iuuenta.
Vester **BEATI**, uester in ætheris
Euasit aulam; viuere pulchrius
Incepit, Oratorq; Calo
Pro Patria stetit, elocutus
Gratum **TONANTI** carmen, & annuum
Responsa Votis, scilicet utitur
Cælis, & incedit per astra,
Depositum specularis orbem.
Hinc nescientem, spectat amabili
Vultu **PARENTE** M. Nos quid inutiles
Moramur umbras, & futura
Tristitia comitem cupressum?
Cedent sereno funere nenia,
Luctusq; cedent; nomen in ultimas
Exibit oras, nec sepulchri
Arbitrium patietur, inter-
minata Virtus, nulla silentio
Descendet ætas; dicet ut integer
SAPIENTIAM vixit; se iuuenta
Eripuit; volucrisq; fati
Præuertit alas; nempe volentibus
Consensit astris, cui Sicula dapes,
Morum elaborabant saporem,
Et medijs latuere verbis
Fauis fluentes. Mentis, & ingenii,
Benigna doctis vena laboribus;

Accepit insignes & imos
 Pectus amicitijs apertum.
 Mores quieto supposuit iugo,
 Morem nec ulli flagitio gerit
 Curasque mortales, & omnem
 Præterijt sine labe culpam.
 Non capta luxu vita superfluo,
 Terrena non mens, Angelus, Angelus:
 Sunt orbe, Littauisque terris,
 Qui superos deceant alumni.
 Sed veris instar, vultus ubi illius
 Affulsit, illum Patria diligit,
 Illum senatus querit, illum
 Fama vocat popularis aura.
 Intrauit acrem iudicij domum,
 Sententiarum triste senaculum,
 Illamque Maiestatis arcem,
 Ingenij rapuit triumphis.
 Vbi potentum longa negotia,
 Diuicatatâ lite coercuit,
 Artesque dimouit, diesque
 Iustitiæ reditum morantes.

Cum omnia mortalia sint, ne a viris
 Resp. destituatur, educatione iuuentu-
 tem parandam esse, quæ decedenti-
 um iacturam fartiat, & labes Pa-
 triæ diluat.

T Ot una gentes linea diuidit,
 Suprema rerum linea maximas
 Deleuit vrbes, nec POTENTVM
 Tacta iugo neque militum armis

B

Posse-

Possedit eum: quarimus, ben pudor!
 Nos sumptuosa vulgus inertia
 Celare vitam; perdimusq;
 Florem animi laribus paternis,
 Mors & latentes inueniet domi;
 Ad arma fortes, viuite Patria,
 Artesq; MAIORVM iacentes,
 Reddite consilijs & armis.
 Quis Patria, ô te quis rapuit tibi?
 In te quid ultra est, illius illius
 Lituania, quæ vixit olim
 Ipsa suis opifex triumphis?
 Maturior vis eripit, auxilio -
 - Aptam Iuuentam; robore decidit
 Flos omnis, exemplumq; tristi
 Militia, iacuere fortes
 Vix inchoato tramite gloria.
 Nuper cadentem vidimus arbitra,
 Sub MORTE, SAPIEHAM; quis illo
 Iudicio stetit absolutus,
 Vel impetrauit Iustitium breue?
 Omnes eodem trudimur; ut libet,
 MORI STATVTVM est; una retro,
 Fama breuem Dominum sequetur
 Superstes cui. Restat honoribus
 Æterna virtus. Non ego te meis
 Chartis inornatum tacebo,
 Historijs, titulisq; magnum
 SAPIEHA, si quæ est gratia carmini,
 Diceris Orbi; spirat adhuc amor
 Quem Patriæ pectus recepit,
 Forma animi generosa, spirat,
 Dicenda Musis. Magnus habebitur
 Quicumq; fastis te leget in suis,
 Quem pacis expertes Polona,
 Gottigena didicere nuper

Quid

Quid Marte posses; P A T R E sub auspice
Te digna tentas; dulce periculum est,

Intrare fastos inquieto

Sanguine; vulneribusq; pulchrum

Dixisse vixi. Prælia cum tibi

Magnus negaret consilio Parens,

Ad arma dicebas, A D A R M A

P A T R E fui genitus L E O N E.

Bellum secundâ quesijt alite

Romanus, alter signa Draconibus

Armauit, alter signa gallis,

Alter Amazonia securi:

N on signa gallis Patria reddidit,

Ad signa C O R V I N O S vocat oscines.

Bello Duces confederavit,

Alitibus cum A Q V I L I S, L E O N E S.

Vnitâ quid non restituent manus?

Vtroq; fluxit Christophorus Duce;

Vtroq; descendit decorus

Sanguine, cum A L I T I B V S L E O N V M;

Spes ex utroq; inceperat arduas

Coniuncta virtus. Copia fortibus

Est fama in armis. Hinc & inde - Ab

Hoste fluens reualefcit Echo.

O quidquid in se L echus habet viri

Vim de superbis non ferat hostibus,

Per arma, dotatam vel astris

Inueniet, vel honore mortem.

Hic mos decoris non fuit ensibus.

Furor n' nos, vel vis tenet acrior,

An culpa? Respondete fortes

Militia socij decusque.

Tacent! malorum calat originem

Indeprehensi carceris abdito,

Æterna Maiestas in omnem

Vindicijs abitura culpam

Tu Viue natis Patria, ad optimam
Te uerte frugem; tristitiam bono
Compesce vultus; fac, vt omnis
Christophorum tibi reddat Annus

EX VNGVE LEONEM

L Audata virtus si redit ad genus,
Nomenq; riuo fons dat idoneum,
SAPIEHA te magnum **L** EONEM
Prodiderat generosus VNGVIS.
Ex illo **E** OMEN, Curia sumpserat,
Et spem Senatus; semina gloria
Tam magna, tam paruis in annis,
CHRISTOPHORVM **E** Patrie capacem.
Sensere PATRES: Dixit **E** ARBITER
MONARCHA Regni, Quandoquidem tuam
Præcedis ætatem decoris
Officijs, **E** honor virentes
Præcedat annos; Curia te suis
Inuoluet actis, quem generis nitor,
Morumq; doctrinaq; cultus,
Patrie ad ingenium pararunt.
O quanta Patri gaudia publicus
Plausus ferebat! quantaq; reddidit
Admurmurando, Filius cum
Diceret in Patrie Corona!
Circumsonabat murmur, **E** arbiter
Non nemo dixit: Quis PVER hic putas
Futurus olim, si iuuenta
Est animi facies adulta?
Omnisq; in illo substitit omnium
Vultus; quis illam negligat Indolem,
Quæ cepit omnes? quis beato
Nolit ab ingenio morari?

Festina

*Festina laudum precipit arduos
Virtus triumphos, nec senij moras
Exspectat, eternas ab ipso
Discit opes animumq; P A T R E.*

*Rectè educatis moribus addidit
RÉGINA laudem; Non similes ait
Videntur ulli, qui potentem,
Tam benè contineant luventam.*

*CONSTANTIÆ vox ingenium probat
Constantis cui; conueniunt benè;
CONSTANTIAM vitá secutus,
Morte simul fuit infecutus.*



C

NEMO

NEMO HUNC LACRYMIS
DECORET

Qui de suo Magnus est,

CHRISTOPHORVS NICO.
LAUS SAPIENTIA

LEONE PATRE
PALATINO VILNEN:
M. D. L. EXERCITVVM

SVMMO DVCE.

MATRE ELISABETHA
RADIVILIA, PRINCIPE
DE BIERZE ET DVBINKI

NATVS

*A Parentum moribus, clara animi initia, & indolem hausit.
Ingénium illustre ijs studijs FVVENIS impendit, quibus
firmior aduersus fortuita Remp. defenderet.*

STVDIOSVS

*Vniuersitates Vilnensem, & Louaniensem, ingenij admiratio-
ne tenuit. Ius utrumq, & Philosophiam, ex eruditissimis
Magistris, Bella ex Imperatoribus, Prudentiam Civilem ex
summorum Principum consuetudine didicit.*

VNDE

VNDE REDVCEM

*R*espublica respexit, cum vires fortunaſq̃ animi, è proximo oſtenderet; Par ſummis Reip: negotijs; ubi Conuentus aut Tribunalia poſcerent, GRAVIS, INTENTVS & MAGNVS, ubi officijs factum ſatis, nulla POTESTATIS, tota HVMANITATIS Perſona, omnium in ſe oculos, ac ora collegit. Et ſuſpici à SENIORIBVS IUVENTAM ſuam cernens, ſalubri temperamento humanitatis, ac modeſtiæ imagine, VEL ABAT ANIMVM.

VITA ILLI

*O*mnibus ſimulachris emendatior, integritate mentis & corporis conſtitit. Dies abiit nunquam, quã non aliquid MANSVETVM, VTILE, PIVM faceret. In ſacra, & æterna, omnibus vitæ moribus incubuit. Omnes ſummorum hominum laudes breui indole comprehendens, in medio maximarum cogitationum vix OTIVM MORTI fecit; cum ADOLESCENTIAM multorum SENIO feliciorem depoſuit.

INGENTES SPES Patriæ

VIVENS incepit.

MORIENS docuit.

Omnia Vita negotia eſſe

CONCEPTVS INCHOATOS.



AD ILLVSTRISSIMUM DOMINVM,
D. IOANNEM
STANISLAVM
SAPIEHA
M.D.L. MARSCHALCVM
CAP. SŁONIMENSEM. &c.



Solem inter & hominem admirabilis quædam consensio est, ut eius lucem, non tempora modo audiant, sed vita hominū. Dies enim omnino vita nostra est, horis, rebus, negotiis distincta; uultum solis Vmbræ sequimur; quid enim de toto quod uiuimus, præter umbram tenemus? quæ ad omnem Solis motum varia est. ^a Nihil immobile natura concepit, fortuna in nos ac ætas ludit, ^b Vitæ nostræ cursum breuiter raptimq; transimus, actuum quisq; suorum sarcinas portantes. ^c Iter ergo ad mortem vita est; primo viuendi puncto, impetum moriendi capimus, ut quiescentes elabi nobis ac fugere videamur, Solem & tempus secuti. Horologia ergo imitamur, quibus ad mobilem gnomonis umbram tempus cœli discitur. Vnumquemq; nostrum non mutæ cœlorum lucis, sed vitæ Horologium existimemus, quod actiones horasq; omnes, recte collocat ac dirigit, ut cum celeritate temporis, utendi velocitate certetur. Cuius generis exemplum nuper fuit CHRIS: NIC: SAPIEHA Frater tuus Ill^{me} Dñe; qui primo vitæ apparatu, nullum non tempus, in vsus suos contulit; omnes horas complectebatur, omnes pietate, variis vitæ officiis & Reip. commodis occupabat; pauci igitur anni, nobiles in eo operas edidere; omnis eius labor, Cœlum respexit. Magna mihi copia memorandi esset, quibus virtutum ac vitæ meritis in summam Reip. Ipem crescebat, nisi hæc apud Fratrem dicere, in quem præclaris morum exemplis formabatur, quem vitæ institutis prætulit; nihil in illo fuit, quod non ex te agnosceret; ad normam se animi, ac moderatonistuz conformauerat; cogitabatq; quantum & tibi uiueret, & Patri; sed antequam felicitatem suam nosset creptus est. Citauit cum repetundarum natura, quæ prior ei vitam credidit, non litem intendit, acceptam retulit

Plin. lib. 2 c. 6

a Sen. Qua: natur. lib. 6

b Aug. l. 4 de Ciu. c. 5

c Sen: ad Polyb:

volens, quam non sentiens acceperat; reddidit animum meliorem quam acceperat. Longissimum illi ævum indolis eius fama promisit, cū maximis viris, quorum se ingeniis, vel contulit, vel si hoc Verecundia eius recusat, applicuit; ad omnem quippe exterarum gentium prudentiam, & vsum, cui per tot annos insueverat, instituta patria assumens, sese Reip: parabat, in quam educabatur. Animum semper infixum in Patriæ charitate habebat, ex cuius læto aut deiecto vultu, suum sumebat; Cui omnia vitæ commoda, ipsam deniq; vitam addere optaverat, & si id Parentis voluntate licuisset, fecerat. Hunc ego Tite Livii, ætati illi iuvenem obiecissem, cum hæc de Patribus civitatis vestræ scriberes.

Patres suarum rerum erant, amissâ publicâ.

Liv. lib. 5

Felicem Remp. in quâ non Patres tantum, sed ne filii quidem suarum rerum sunt; qui ferè per Nomen obsidum, exteras gentes armorum strepitu circumsonantes, propositis vitæ periculis adeunt, bella & castra ediscunt: omnes animi opes ac nervos, ad augendam Remp: conferunt. Talis CHRIST: NICOLAVS SAPIEHA Frater tuus, inusitata indole, mentem Reip. convertit, & alacritatem attulit; talis ex Patre Exercituum Summo Duce, rerū ac militiæ momenta accepit; Mel ac deliciæ Patriæ, summos & imos exspectatione tenuit. Dies publicis, noctes cœli negotiis, & animo dabat, verè Christophorus, verè adolescens Nominis sui; Strenuè in id vnum intentus ne cui suarum noctiū ingenia innotescerent, quarum iacturam Divinæ Matri lubens faciebat.

Venita vita.

Vnam vitabat Noctem, quæ falsis rerum imaginibus nullâ certâ spe, illudit animis; nihil in tanto rerum apparatu magnum & serium omnia Oculos imitari censebat; nihil in tã sūptuosa vanitate hominum præter nomen amabat. Agebat itaq; vtsse tempori suo, q̄ dum tenetur, fugit, præsertim faceret, & adolescentiam ad seniū extenderet; cum in ipsa morte, Solis cum homine quendam concentum, amicitiam, & consensum expressit. Fatetur enim non nemo, primâ illa mundi infantia, Solem miserabili primi hominis lapsu afflictum, septies tantum lucis deposuisse, quantum interea portat; vt vel hoc luctu, amico homini consentiret. Hanc amicitiam Solis, CHRIST: NICOLAVS SAPIEHA Frater Tuus imitatus, ad Solis iter viam disposuit; diem Solis in horarum numero secutus, diem vitæ quatuor & viginti annis (felicem Noctem adstantibus precat9) absoluit. Meminerat Solē aliquando ab Ægyptiis notatum, vbi nunc oritur, occidisse; provincias ergo Occidenti Soli vicinas permensus, vbi ad Patrium Orientem rediit, Solis exemplo occidit.

Viterb. 1. Par: Chronic.

Herod. in Euter.

Tem.

Temperandum esse Lacrymis ad funera,
virtutem a literis habere
perennitatem.

Qui tristes Elegos, & querimonias
Mandato placidi ducit Apollinis,
Ad sensum Cytharæ carmina diuidens
Vates Christophorum vocat.

Nobis ille quidem flebilis, attamen
Nulli flebilior quam tibi Patria,
Cum desiderijs læsa potentibus
Queris Patria **FILIVM.**

Ceu mater teneram perdidit alitem;
(Quem iunctis rapuit Corus Ethesijs,
Iactaruntq; anime, quæ mare temperant
A dulci profugum domo)

Cum syluis queritur, prouocat æra,
Et questum fluuijs narrat inutilem,
Dignatur sobolem talis amabilem
Fletu querere Patria.

Fatum non oculis viuit & auribus;
Cum Musis lacrymas funde canentibus,
Seu cygni dederis (si placuit) sonum,
Seu testudinis aurea.

Certet per docilem gratia barbitum, &
Collecto modulos dissipet ære,
Vocalis studii docta licentia,
Surdus ludet in auribus

Cum dulci sonitu fata cōdercunt,
Infregit digitos in cythara modum,
Et solus cecinit, solus & Orphēus
EMIT CARMINE coniugem.

Ergo Christophorum ferreus abstulit
Somnus, sed vario raptus ab otio,
Et palmis potuit crescere, & hostibus,
Auroram inter & Hesperum.

Non incerta loquor; si qua oculis fides,
Victorem ex facie vidimus hostium,
Sed cæli placito substitit, ardui
Inter capta negotij.

Qui ritus FLVVIIS, mos & honoribus,
Surgunt, & subito flamine decidunt,
Erexit Patria spes, simul abdedit,
Et se composuit sibi.

O aulâ mediis sistar Olympiâ
Cui voces solitum est, reddere septimas,
Tam ehari capitis munera differam.
Cultor Pieridum; neq̃
Si Musa taceant, cum benè feceris
Palmam sustuleris. Nam taciturnitas
Inuoluit meritum: hinc, Vatis est honor
Mentem marmoream gerunt.

Non est qualis erat, desinit imperio
Exercere aciem; & nobilis, & decens
Adsidere Patri, & ducere copias.
Cultu pulcher Achaico

Illum cum sonipes vendidit omnibus.
Ostenditq̃ viris, ex facili potens

Scffore

Seffore; ex Domino iure superbiſt.
Euinctis folijs Ducem.

Vidiſſent utinam ſecula cum Patre!
Quem pulchra capitis condecorant niues.
Et qua vis animi, innata Leonibus
Forti conſilio aſſidet.

Puris vos ſimiles Frater oloribus
STANISLAE cupit, te ſibi poſthumum
(Et cœli placitum eſt, fata recedite.)
Te ſeruare diu, & Patrem.

Tandem per lacrymas egeritur dolor,
Et ſeſe ſatiati; deſine perpetis
Tandem triſtitia, deſine pertinax
Mortem ſiſtere Lacrymis.

DE VITÆ BREVITATE

Nec iuuentuti fidendum eſſe

I. VITA VMBRA.

C Redite Romanum verè dixiſſe Pœtam,
Nos ubi decidimus puluis & umbra ſumus.
Umbra repercuſſo cum reddimur obuia ſoli,
Et non turbatis umbra videmur aquis.
Flos Narciffus erat, ſed cum ſe deperit undis,
Umbra pro facie reddidit vnda ſibi.
Quod NARCISSE vides, hoc eſt SAPIEHA, ſed ille
VMBRAM ſe ad FONTEM repperit, iſte DOMI

II. VITA TABULA

G Eſtit Amazoniâ latus intercludere parmâ
Vita, ſed è filis vita coacta ſuis.

B

Sen

Seu tunicis adamantina gerat, sit cassida fronte,
Fortior in telas ibit. Arachna suas.
Cum patrias Ciuis fortes laudabit Athenas,
In TABVL A; dices, ingeniose Lacon.
Fortis adhuc cui, medios SAPIENHA per annos
Frangitur, in TABVL A fortis Gille fuit.

III.

MORS LINEA.

CVi placet armatus Mauors, Actæaq; virgo,
Et facies belli sanguinolenta notis.
Erigat hic Martem, nec in Hectora stabit Achilles,
Solutus in pugnas hostis inermis erit.
Linea sola diem non vano finiet ictu,
Christophori nuper finijt ista diem.
Ecquid in arma viros, et in hostes querimus arma?
Debellat nostrum linea sola caput.

IV:

STATVTVM MORI.

Svmma brevis vite spes nos vetat edere longas,
Hora dedit, nostram perdit et hora diem.
Vellere Parcarum regimur, quodcumq; superba
Constituere colus, soluimus atq; sumus.
Pallida mors indiscreto ferit omnia telo,
Non homicida tamen iure perire potest.
Namque citata suo defenditur illa statuto, et
Fura nihil dicunt Iustiniane tua.



SAGITTA SAPIEHANA.

Duplici Cruce insignita.

I.

L Inca Protogeni magnum laudauit Apellem
Quæ medias inter prodigiosa stetit.
Est, quæ caelestem mundo fateatur Apellem,
Quæ stetit, in ceris ducta Sagitta tuis.
O SAPIEHA! vides, tantum quo stemma triumphat,
Cui portat geminas ducta Sagitta cruces,
Vna triumphatis crux sufficit hostibus, ecquos
Non vincet, gemina iuncta Sagitta cruci?

II.

S Vbstitit æterna Petrus pro limine Porte,
Cum secuit medium fixa Sagitta polum.
Tunc ait. En priscos reparat mentita Typhæos
Fabula; quæ cælum vis inimica ferit?
Mitis ad hæc Petro sic reddidit ore Sagitta,
Est mihi per nostram, trames in astra crucem.
Acquiris superos vnâ cum Petre tulisses,
Non ego, quæ geminam tollo Sagitta crucem?

III.

F Orte serenati picto sub margine cæli,
Adfuit è patrio missa Sagitta solo.
Cumq; viam vellet, sed non via clausa pateret,
Est ait una mihi non benè clausa Via.
Dixit, & Heroum Christi latus accipit, illud
Quod pia L ongini fregerat hasta latus.
Christe tui L ateris pulsabo Vulnus apertum,
Quod mihi pulsanti reddet in astra Viam.
Christe, polum soli pulsanti dicis apertum,
Sta Verbis, postes en ego pulso tuos.

Q Vis potuit Crucibus geminam sponsare sagittam?
Vnaq sit gemina Vincita sagitta Cruci?
Non tam deuote veniunt incude sagitte,
Quas solidus Brontes, quasue Typhæus agit.
Cetera stant morti, restant tibi stemmata Christe,
Stemmata dilecta, miq tibiq Cruces.
Vanum sit reliquis iactari stemmate, soli
Sed iactare mihi stemmata Nostra licet.

AD MAGNANIMAM INVENTVTEM
LITHVANAM.

Vita Trames Gloriæ.

Somnus euntis aui,
Et brevis cursus properantis super astra vite,
Nos monet inchoare
Spes breues, spes que deceant corporis inquilinum:
Quæ pereunte vitâ
Erigant cælo, & memorent omnibus orbe fastis.
Sic Iuuenis memento
Vltimam finire diem, consficuam pudore.
Hâc vice gloriosi
Seculum accepere triumphu Iuuenum, vel astris
Cognita Nicolai
Vita SAPIENÆ: similes tu tibi pande laudes.



12
A D E S

Spectator.

Mors est quæ de animis verum dicit.

N O N H I C

Palladiū Theodosij cursorē quere, cui immensū illud Rom:

Imp: spatium, tridui iter fuit:

S E D Q V I

*Longa ac futura annorum spatia ante ætatem
precucurrit,*

Vitam ante mortem consummauit.

C V M

*Senilem iuventam prematurâ morte
deposuit.*

CHRISTOPHORVS
NICOLAVS SAPIEHA

*Nec enim senium expectavit, quod Adolescens
præciperat,*

*Laudatori & magno, & cum cura dicendus.
Si ætatem spectes,
Brevis fuit.*

*Incipe illum Virtutibus æstimare,
Sempiternus est.*

EX HOC

*Humana vite longitudinem addisces, in qua tantum.
Sapientes laborârunt.*

*Amplissimum quippe Vite spatium est
usq̃ ad Virtutem viuere.*

C

CHRISTOPHORVS
NICOLAUS SATIHA

BIBLIOTHECA



EX LIBRO

Biblioteka Jagiellońska



stdr0010318

